



Broj: 02-34 - 590 /22  
Fojnica: 05.04.2022. godine

Na osnovu člana 15. Zakona o principima/načelima lokalne samouprave u FBiH („Službene novine FBiH“, broj: 49/06), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15) i člana 3. Pravilnika o dodjeli studentskih stipendija, broj: 01-04-345-13/22 od 10.03.2022. godine („Službene novine Općine Fojnica“, broj: 2/22) Načelnik Općine Fojnica raspisuje:

## **JAVNI KONKURS/NATJEČAJ** **za podnošenje prijava za dodjelu stipendija redovnim/redovitim studentima** **Općine Fojnica za akademsku 2021/2022 godinu**

### **I**

U skladu sa Pravilnikom o dodjeli studentskih stipendija Općine Fojnica broj: 01-04-345-13/22 od 10.03.2022. godine, Općinski Načelnik objavljuje Javni konkurs/natječaj za podnošenje prijava za dodjelu stipendija redovnim/redovitim studentima sa područja Općine Fojnica za akademsku 2021/2022 godinu.

Stipendije se dodjeljuju u ukupnom iznosu od 1.000,00 KM za svakog studenta pojedinačno, a ukupan broj stipendija utvrđuje se na osnovu iznosa koji je planiran u Budžetu općine Fojnica, za tekuću kalendarsku godinu.

### **II**

Pravo učešća na Javni konkurs/natječaj za dodjelu stipendija imaju studenti koji ispunjavaju sljedeće kriterije:

1. Studenti državljanji Bosne i Hercegovine
2. Studenti koji imaju prebivalište na području Općine Fojnica
3. Redovni/redoviti studenti prvog ili drugog ciklusa studija koji studiraju na visokoškolskim ustanovama u Bosni i Hercegovini ili inostranstvu/inozemstvu
4. Studenti koji upisuju prvi put studijsku godinu
5. Studenti koji ne primaju i neće primati stipendiju od drugog davaoca ili studentski kredit u tekućoj akademskoj godini
6. Studenti koji nisu stariji od 25 godina na dan objavljivanja Javnog konkursa/natječaja,

Prijave koje se neće razmatrati

1. Vanrednih studenata
2. Studenata apsolvenata

Eliminacija iz postupka

Ako se u postupku dodjele stipendija utvrdi da je student dao netačne podatke ili dokumente, isti će biti eliminisan iz daljnjeg postupka dodjele stipendije.

### III

Uz prijavu na Javni konkurs/natječaj potrebno je priložiti sljedeću dokumentaciju:

1. Uvjerenje o državljanstvu ne starije od šest mjeseci (original ili ovjerena kopija)
2. Uvjerenje/potvrda o stalnom mjestu prebivališta ne starije od tri mjeseca (original ili ovjerena kopija)
3. Svjedodžba o završenom razredu za svaku godinu srednjoškolskog obrazovanja (ovjerene kopije)
4. Uvjerenje/potvrda o upisu u tekuću akademsku godinu u statusu redovnog studenta sa naznakom da se studijska godina prvi put upisuje (original ili ovjerena fotokopija)
5. Uvjerenje o položenim ispitima (prijepis ocjena) za sve prethodne studijske godine
6. Izjava da student ne prima stipendiju/studenti kredit od drugog davaoca (original)
7. Izjava da općina može koristiti lične podatke prilikom objave rang liste studenata (original)
8. Potvrde o ostvarenom dohotku za prethodnu kalendarsku godinu za sve članove porodice koji ostvaruju primanja (original ili ovjerena kopija) – Porezna uprava
9. Ček od penzije za posljednji mjesec za sve članove porodice koji ostvaruju primanja ovog tipa
10. Kućna lista o broju članova zajedničkog domaćinstva (original ili ovjerena kopija)
11. Izvod iz matične knjige rođenih za sve izdržavane maloljetne članove porodice koji se ne školuju (original ili ovjerena kopija)
12. Uvjerenje/potvrda o redovnom školovanju u tekućoj akademskoj godini za sve izdržavane članove porodice koji se školuju (original ili ovjerena kopija )
13. Uvjerenje/potvrda o nezaposlenosti za sve izdržavane članove porodice koji se ne školuju (original ili ovjerena kopija)
14. Izvod iz matične knjige umrlih za roditelja/e kao dokaz da je kandidat bez jednog ili oba roditelja (original ili ovjerena kopija)
15. Izjava o pripadnosti romskoj nacionalnoj manjini (original)
16. Dokaz o invalidnosti/dokaz o procentu RVI invalidnosti člana porodice (original ili ovjerena kopija)
17. Dokaz o invalidnosti/dokaz o procentu invalidnosti studenta (original ili ovjerena kopija)
18. Potvrda ili Ugovor o otvaranju tekućeg računa na koji će se izvršiti isplata stipendije (original ili ovjerena kopija)

### IV

Prijavu s dokazima poslati na adresu:

Općina Fojnica,  
Komisija/Povjerenstvo za provođenje Javnog konkursa/natječaja za dodjelu stipendija redovnim/redovitim studentima Općine Fojnica u akademskoj 2021/2022 godini  
Ulica Bosanska br.94., 71270 Fojnica  
Sa naznakom „NE OTVARAJ“ ili donijeti lično/osobno na protokol Općine Fojnica.

Javni konkurs/natječaj ostaje otvoren 15 dana od dana objavljivanja na oglasnoj tabli Općine Fojnica, web portalu ili na lokalnim medijima.

Prijave koje ne ispunjavaju opće uslove i prijave koje su nepotpune i neblagovremene neće biti uzete u razmatranje.

Prijave sa dokazima o ispunjavanju uvjeta za dodjelu stipendija neće se vraćati podnositeljima.

## V

Konačnu odluku o dodjeli stipendija donosi Načelnik Općine Fojnica.  
Konačna odluka bit će objavljena na oglasnoj tabli Općine Fojnica i web stranici Općine.

Nezadovoljni student može podnijeti prigovor Općinskom Načelniku u roku od 8 dana od dana objavljivanja Odluke o dodjeli stipendija na oglasnoj tabli Općine, i to putem pošte na adresu: Općina Fojnica, ulica Bosanska br.94., 71270 Fojnica.

## VI

Javni konkurs/natječaj za dodjelu stipendija redovnim/redovitim studentima sa područja Općine Fojnica za akademsku 2021/2022 godinu provodi Komisija/Povjerenstvo imenovana/o od strane Općinskog vijeća na prijedlog Načelnika Općine, a u sastavu dva općinska vijećnika i tri državna službenika.

Sa odabranim studentima Načelnik Općine Fojnica će potpisati Ugovor o dodjeli stipendije.

**Dostavljeno:**

- Oglasna tabla Općine Fojnica
- Web portal Općine Fojnica
- a/a



**OPĆINSKI NAČELNIK**

**Sabahudin Klisura, dipl. ing.**